

նալ 'ի Կոստանդինուպօլիս, պատճառն անգիտելի :

Իսկ գիւղականք Բեթղէհէմի 'ի պատճառս գործոց եւ շփոթութեանցն Յունաց, եւ սահանջելոյ յուխտաւորաց Ղլաֆարն՝ ճեղքեցան յերկուս, կէսք մտեալ ամրացան 'ի վանս Յունաց, և այլք մնացեալ արտաքս սլատերազմէին ընդ միմեանս, և սպանին զոմն յազգէ Լատինաց, որոյ վասն արգելան Յոյնք գնալոյ 'ի Բեթղէհէմ :

Լուեալ Կուսակալին Դամասկոսի զամենայն անցս Երուսաղէմի՝ առաքեաց 1000 Մղրլարի զօրականս, որոց զօրավար կարգեալ էր զայրն քաջ Ասուզուրեան. հասեալ սորա յերուսաղէմ (1810. յ8 Յունվարի) յաւուր շարաթու եմուտ 'ի քաղաքն, և 'ի Կիւրակէի սկսան ժողովիլ Եէնիչէրիք, և ոմանց փախչիլ և թաղչիլ, և այլք խորհէին մտանել 'ի վանս Ս. Յակոբայ, և անտի տալ սլատերազմ ընդգէմ թշնամոյն, այլ վաղ իմացեալ քաղաքապետին՝ խտփանեաց զխորհուրդս նոցա, կարգելով սահապան զօրս 'ի դուռն վանաց : Եւ ոմանք յԵէնիչէրեաց անտի անձինք իբրեւ 18 գնացին 'ի վանս Ս. Փրկչի, և կալեալ զղունապանն գան հարին և կորզեցին 'ի ձեռաց նորա զբանալի դրանն, և մտեալ ամրացան անդ : Հասին անդ և զինուորք և սլատեցին զվանքն և սկսան սլատերազմիլ ժամս իբրեւ 4. և իբրեւ ոչ կարացին ածել զնոսս 'ի հաւանութիւն, ածին զթնթանօթս և սկսան ումբակոծել զսլարիսս վանաց, յորմէ խարխալեալ կործանեցաւ որմն հիւսիսային, և բացաւ խրամ յերկուս տեղիս, և մտեալ անտի 'ի ներքս կալան զօգիս 14, և որոնեալ գտին զայլ անձինս որք իջեալ էին 'ի ջրամբարն, և հատեալ զգլուխս ամենեցուն բերին առ քաղաքապետն, որ կայր առաջի դրան քաղաքին : Միաբանք և ծերունի Յակոբ եպիսկոպոսն նուաղեալ հազիւ անկան 'ի Ս. Յակոբ, զկարասիս վանաց եւ զանօթս եկեղեցոյն ետուն յաւարի, մինչեւ հանել զբեւեռս եւ զնիգս դրանց : Եւ 'ի բերդին խեղդամահ արարին զարս 12. ապա արձակեցին անտի հրանօթս՝ աւետելով քաղաքին զյաղթութիւնն, եւ զայլս արկին 'ի բանտ. սաստկացաւ լալ և կոծ 'ի քաղաքին մերձաւորաց Եէնիչէրեաց : Սակայն գլխաւորք այլազգեաց գժտմնեալ իմն էին ընդ այս գործ, թէ չէր օրէն սակս Յունաց կոտորել զայս քան անձինս :